



Stad kommune

Retningsliner for tilskot til frivillig kulturarbeid i Stad kommune



Arkivsak: 20/2513

Vedtatt i KS- 20/074

Innhold

1.1 Generelt	2
1.2 Ordinære kulturmidlar (driftstilskot):	2
1.3 Stad kommune sin Kulturpris:	3
1.4 Ungdommens kulturpris:.....	4
1.5 Tilskot til halleige	5
1.6 Tilskot til idrettsorganisasjonar	5
1.7 Tilskot til aktivitetar til barn og unge (til disposisjon for Ungdomsrådet):	5
1.8 Prosjekt- og arrangementstilskot:.....	5
Prosjekttilskot:	Feil! Bokmerke er ikke definert.
Arrangementstilskot:.....	Feil! Bokmerke er ikke definert.

1.1 Generelt

Stad kommunestyre set årleg av øyremerkte midlar til frivillig kulturarbeid i Stad kommune, med det mål å bidra til å fremje eit aktivt og allsidig kulturliv i tråd med kommunen sine målsetjingar.

Dette dokumentet utgjer retningslinjer for bruken av desse øyremerkte midlane, og femner om:

- Ordinære kulturmidlar (driftstilskot)
- Stad kommune sin Kulturpris
- Ungdommens kulturpris
- Tilskot til halleige
- Tilskot til idrettsorganisasjonar
- Tilskot til aktivitetar til barn og unge - til disposisjon for Ungdomsrådet
- Prosjekt- og arrangementstilskot

Aktivitetar for barn og unge og aktivitet tilrettelagt for personar med spesielle behov er gjennomgåande eit prioritert satsingsområde ved bruken av midlane. Stad kommune løyer elles, direkte eller indirekte, midlar til ulike lag og organisasjonar gjennom ordinært årsbudsjett og investeringsbudsjett. Bruk og tildeling av denne typen midlar fell utanfor retningslinjene i dette dokumentet.

1.2 Ordinære kulturmidlar (driftstilskot):

Fastsetjing av kulturmidlar:

Kommunestyret fastset ramma for dei årlege kulturmidlane (driftstilskot til lag og organisasjonar), som skal delast ut som tilskot til:

- Idrettsorganisasjonar
- Song og musikkorganisasjonar
- Andre lag og organisasjonar.

Kunngjering/søknad:

Dei ordinære kulturmidlane (driftstilskot) blir tildelt 1 gong i året – og fortrinnsvis på våren.

Midlane med søknadsfrist blir lyst ut i lokalavisene og på kommunen si heimeside og Facebookside.

Søknad skal leverast elektronisk innan den fastsette fristen. Det er krav om at all informasjon skal vere utfylt i skjema før søknaden vert godkjent.

Fordeling/vilkår for tildeling av kulturmiddlar (driftstilskot):

Fordelinga av tilskotet til det enkelte lag og organisasjon, blir gjort administrativt etter følgjande reglar:

- Laget må ha eit styre, betalande medlemer og føre eige rekneskap (rekneskap må kunne leggjast fram på førespurnad)
- Det er hovudlaget som søker og fordeler innan eigen organisasjon.
- Søknaden skal vere levert elektronisk innan fristen (som blir annonsert)
- Lag og organisasjoner som aktiviserer barn, unge og funksjonshemma, vert prioritert.
- Løyvinga blir relatert til tal aktive medlemer, og søkerane må på oppmoding kunne legge fram medlemsliste med registrerte medlemer der medlemkontingent er betalt.
- Minimumsløyving er kr. 1 000,- til kvar søker (så lenge avsett ramme tillèt det)
- Unnateke frå stønad:
 - Lag som primært tek vare på dei yrkesmessige og økonomiske interessene til medlemmene.
 - Politiske parti (inkludert ungdomsorganisasjoner)
 - Statlege, fylkeskommunale og kommunale institusjonar/anlegg
 - Organisasjonar og personar utan direkte forankring i Stad kommune
 - Organisasjonar der ein viktig del av verksemada er å samle inn til andre formål
- Der laget har eit overordna råd (t.d. Stad idrettsråd) skal desse ha saka til uttale før endeleg fordeling blir gjort.

Tildeling/utbetaling:

- Vedtak om tildeling av kulturmiddlar blir sendt den som står som søker av midlane.
- Vedtaket er eit enkeltvedtak som kan klagast på etter reglane i forvaltningslova.
- Tidelte middlar blir innan 1 månad utbetalt til det kontonummer som står oppgjeve i søknaden.

1.3 Stad kommune sin Kulturpris:

Fastsetjing/tildeling av kulturprisen:

- Kommunestyret fastset den økonomiske ramma på kulturprisen i samband med årsbudsjettet.
- Kulturprisen er sett saman av ein pengesum, blomster og eit synleg symbol i form av ein diplom med grunngjeving, underteikna av ordførar.

- Enkelpersonar, grupper eller organisasjonar blir oppmoda gjennom lokalavisene og på Stad kommune si heimeside/Facebookside å kome med godt grunngjevne forslag til kandidatar.
- Det faste utvalet for kultursaker tildeler prisen etter tilråding frå ein jury beståande av leiar frå utval og to representantar frå utvalet for kultursaker og ein frå administrasjonen. Tilrådinga skal vere grunngjeven. Tildelinga av kulturprisen blir offentleg når det faste utvalet for kultursaker har treft vedtak i saka.
- Kulturprisen blir utdelt i samband med det siste kommunestyremøtet før jul.

Kriteria for tildeling av kulturprisen:

- Kulturprisen skal vere ein heider til mottakar og ei støtte for arbeidet med kunstnarleg og kulturell verksemd i kommunen.
- Kulturprisen skal gjevast til personar eller institusjonar heimehøyrande i Stad kommune.
- Kulturprisen kan gjevast til ein person, eller i særlege høve delast mellom fleire personar eller institusjonar.
- Dersom Kulturprisen ikkje blir delt ut eitt år, kan beløpet nyttast til andre kulturformål.

1.4 Ungdommens kulturpris:

Fastsetjing/tildeling av kulturprisen:

- Kommunestyret fastset storleiken på kulturprisen i samband med årsbudsjettet.
- Ungdomens kulturpris er sett saman av ein pengesum, blomster og eit synleg symbol i form av ein diplom underteikna av ordførar og leiar for Ungdomsrådet.
- Enkelpersonar, grupper eller organisasjonar blir oppmoda gjennom lokalavisene og på Stad kommune si heimeside/Facebookside å kome med godt grunngjevne forslag til kandidatar. Forslag kan sendast inn heile året, men seinast innan den fristen som kjem fram i utlysinga.
- Det faste utvalet for kultursaker tildeler prisen etter tilråding frå ein jury sett saman av leiar av utvalet for kultursaker, tre representantar frå ungdomsrådet og ein frå administrasjonen. Tilrådinga skal vere grunngjeven. Tildelinga av kulturprisen blir offentleg når det faste utvalet for kultursaker har treft vedtak i saka.
- Ungdommens kulturpris blir utdelt i samband med det siste kommunestyremøtet før jul.

Kriteria for tildeling av kulturprisen:

- Ungdomens kulturpris skal stimulere til vidare satsing, og skal vere med å dekkje utgifter i samband med konkurransar, samlingar, utdanning eller andre oppgåver.

- Mottakar av Ungdomens kulturpris må vere under 25 år. For grupper må gjennomsnittsalderen ikkje vere over 25 år.
- Ungdomens kulturpris skal gjevast til personar eller institusjonar heimehøyrande i Stad kommune.
- Ungdomens kulturpris kan tildelast ein utøvar, delast på fleire kandidatar, ei gruppe av utøvarar eller til ein ungdomsleiar som har oppnådd ein prestasjon, eit resultat eller eit nivå som er utanom det vanlege innan kulturlivet i kommunen.
- Dersom Ungdomens kulturpris ikkje blir delt ut eitt år, kan beløpet nyttast til andre kulturformål.

1.5 Tilskot til halleige

Kommunestyret fastset i samband med årsbudsjettet, storleiken på tilskotet til halleige.

Tilskotet blir fordelt dei frivillige lag og organisasjonane som drive aldersbestemt idrett i Eid idrettshus og Valhall. Det er laget sin andel av utfakturert treningsleige som blir lagt til grunn ved fordeling av tilskotet (haustsemester det føregåande året, og vårsemester i rekneskapsåret). For å få utbetalt tilskot, må laget sin andel vere min. kr. 1000,-.

1.6 Tilskot til idrettsorganisasjonar

Faste årlege tilskot er eigne vedtak i Stad kommunestyre, og midlane er sett av i Stad kommune sitt årsbudsjett.

Midlane blir utbetalt snarast etter årsbudsjettet er vedteke.

1.7 Tilskot til aktivitetar til barn og unge (til disposisjon for Ungdomsrådet):

Ungdomsrådet har årleg ein sum av årets løyving til disposisjon til ulike tiltak knytt til barn og unge. Søknader blir handsama fortløpande.

1.8 Prosjekt- og arrangementstilskot:

Det blir normalt ikkje sett av eigne tilskotsmidlar til prosjekt- og arrangementstilskot utover det som er til disposisjon for ungdomsrådet for Stad kommune. Eventuelt tilskot blir i slike saker normalt gitt som underskotsgaranti.

Kvar søknad må vurderast i kvart enkelt tilfelle, normalt ut frå følgjande rutine:

- a) Innkomne søknadar blir meldt opp som referatsak til aktuelt politiske utval
- b) Det aktuelle utvalet kan i møte stilling til om søknaden skal løftast opp som eiga sak eller om støtte skal gjevast, i tråd med Stad kommune sitt politiske reglement.
- c) Dersom det aktuelle ikkje utvalet tek opp saka, blir søknaden rekna som avslått.

- d) Eininga Lokal samfunnsutvikling har ansvar for å følgje opp søknaden i tråd med vedtak og delegeringsreglement.

I dei tilfelle det er sett av eigne budsjettmidlar til slike tiltak, kan ein administrativt tildele midlar inntil kr. 5.000,- .